

**Nalunaarusiaq aallaavigalugu Naalakkersuisut Inatsisartullu
 ikiorneqarsinnaajunnaarnertik pissutigalugu toquinnarusullutik kissaateqartunut
 ikuineq qanoq isumaqarfigineraat, oqallississiatut siunnersuut: "Toquinnarusuttunik
 ikuineq inuaqatigiittut qanoq isumaqarfigineripput aamma inuunermik
 navianartorsiortitsisumik nappaateqartunut tungiuinissamut suliniutit pillugit
 inerisaanissamut periarfissanik misissueqqissaarnermut suleqatigiissitap nassuaataa"**
 (Inatsisartunut Ilaasortaq Jens-Frederik Nielsen, Demokraatit)

Akissuteqaat

(Peqqissutsimut Naalakkersuisoq)

Naalakkersuisut Inatsisartuni ilaasortaq, Demokraatit, toquinnarusuttunik ikuinermik aamma tungiuinermik pingaarutilittut oqaluuserisassat pillugit aallarniisimaneranut qujapput.

Toquinnarusuttunik ikuineq tassaavoq, inuup allap toqunissaa siunertalarugu suliaqarneq¹. Taamaattumik toquinnarusuttumik ikuineq nalilersugassaavoq pimoorussassaq, imannaannngitsuummat aamma misigissutsinik attuimmat. Naalakkersuisuni inuup nammineersinnaatitaaneranik inuunermilu nammineq aalajangiisinnatitaaneranik eqqarsaetersorneq akuersaarpalput. Tamanna ilutigalugu paasisinnaavarput, toquinnarusuttunik ikuinermi inunnut ilaannut ileqqussaanngitsoq, tamanna inuup allap toqunissaa siunertalarugu suliaammat.

Nalunaarusiami 2020¹-meersumi allaatigineqarpoq inuit toquinnarusuttut sorliit ikiorneqassanersut killilersornissaat ajornakusoorsimasoq. Aamma pingartinneqarpoq, inuaqatigiit Nunatsinni ataatsimut isigalugu, akeqanngitsumik Peqqinnissaqarfimmi nakorsatinnissamut nakorsaatitorsinaanerlu periarfissaalluartoq. Tamanna nunani allani toquinnarusuttunik ikuinissamut inerteqquteqarfiunngitsumi tamatigut periarfissaanani. Tamanna ilutigalugu Canadamiit assersuutigineqartoq erseqqissarneqarpoq, tamatumani inuaqatigiinni imminortartut amerlassusaannik akiuiniartuni eqqortuunersoq oqallisigineqarsimavoq. Canadami oqallinnerup ilaatigut ukkatarisimavaa inerteqqutaajunnaarsitsinerup innuttaasunut kukkusumik eqqarsartitsisoqalersinnaasoq, tassalu imminut toquttarneq akuerineqartoq. Nammineerluta imminut toquttarneq annertungaqaqisoq ilungersuutigaarput. Taamaattumik toquinnarusuttunik ikuisinnaanerup oqallisigerani isumaqarpugut pingaruteqartoq nalilersugassat assingi eqqarsaatigineqassasut.

Inuaqatigiit pisussaaffigaat allaqqutassaanngitsumik napparsimasoq aamma toqujartortup pitsaasumik ataaqqinartumillu inuunini naassagaa.

Peqqinnissaqarfik inuit anniaataasa nipaallisinnissaannut iluaqutaasinnaasunik pitsaasumik tungiuinissamut neqerooruteqassaaq. Naalakkersuisuni isumaqarpugut, inuit toquinnarusullutik kissaateqartut tunngavilersuutaannut pitsaasumik tungiusinnaanermik neqerooruteqarsinnaaneq pingaarutilimmik inisisimasoq. 2020-meersumi nalunaarusiami¹ ersersinneqarportaaq napparsimasup allaqquttussaanngitsumik toqujartortup anniarunnaarsaatit aamma nipaallisaatit pisinnaagai, aamma taamaappoq toqunissap pilertornerunissaanik kinguneqarsinnaagaluarpata. Uani napparsimasut

¹ Toquinnarusuttunik ikuineq inuaqatigiittut qanoq isumaqarfigineripput aamma inuunermik navianartorsiortitsisumik nappaateqartunut tungiuinissamut suliniutit pillugit inerisaanissamut periarfissanik misissueqqissaarnermut suleqatigiissitap nassuaataa, Peqqissutsimut Naalakkersuisoqarfimmit 2020-mi suliarineqartoq.

qanigisaasullu katsorsartinnissamut periarfissaq aamma paassisutissiilluni akuersisummit
piumasqaateqarneranik pitsaasunik paassisutissaqartoqarnissaa pingaaruteqartuuvoq. Napparsimasut
qanigisaasullu pisinnaatitaaffitsik nalussangilaat, ilisimassavaallu Peqqinnissaqarfik inuunermik
sivitsorsaataasumik katsorsaanermik aallartitsissanngimmat imaluunniit unitsitsissanngimmat
napparsimasup tamanna kissaatigingippagu.

2022-mi Aningaasanut inatsimmi tungiuineq pitsangorsarniarlugu aningaasalissuteqartoqarpoq.
Peqqinnissaqarfipungiuinerme neqeroorut annertusarniarlugu sulissutigaa, tamatumani ilaatigut
pisariaqartinneqarput peqqinnissakkut sulisunik pikkorissaanissaq aamma angerlarsimaffimmi
sulisunik amerlanerusunik atorfinitisitsinissaq. Naatsorsuutigineqarpoq tungiuinerme neqeroorut ukiup
tulliani tamakkerluni annertusineqarumaartoq. Peqqinnissaqarfik sapinngisamik pitsaanaerpaamik
neqerooruteqarsinnaaniassamat, ukiuni tulliuttuni Naalakkersuisuni tungiuinerme neqeroorutit
ineriartortinnissaat sulissutigeqqissavagut.

Qulaani taakkartorneqartut tunngavigalugit isummat tunngaviillu assigiinngitsut toquinnarusuttunut
ikiuinermut isumaqataasut isumaqataanngitsullu inissaqartillugit, oqallittoqarluarnissaanut
qilanaarpugut.